

Broj: 06-03-721-09/53/17
Mostar, 24.10.2017. godine

Na osnovu člana 86. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (5) i člana 42. stav (2) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 41. Pravilnika za izdavanje dozvola („Službene novine Federacije BiH“ broj 2/17), te člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), Regulatorna komisija za energiju u Federaciji Bosne i Hercegovine – FERK je na XVII redovnoj sjednici, održanoj u Mostaru dana 24.10.2017. godine, donijela sljedeći

ZAKLJUČAK

1. Odobrava se provođenje postupka prenosa Dozvole za rad za proizvodnju električne energije broj 06-03-963/53/12 izdate 26.07.2017. godine sa postojećeg imaooca dozvole „IVEX“ d.o.o. Usora na imaooca dozvole ENERGY TRADE d.o.o. Usora.
2. Do okončanja postupka prenosa dozvole za rad, postojeći imalac dozvole „IVEX“ d.o.o. Usora je obavezan nastaviti sa ispunjavanjem obaveza propisanih dozvolom za rad koja se prenosi.
3. Ovaj zaključak je konačan, te se objavljuje se na oglasnoj tabli i internet stranici FERK-a.

Obrazloženje

Članom 86. stav (3) Zakona o električnoj energiji u Federaciji Bosne i Hercegovine propisano je da ukoliko nosilac dozvole za rad, odnosno elektroenergetski subjekat, koji se bavi jednom ili više elektroprivrednih djelatnosti, namjerava prenijeti svoju dozvolu na drugo pravno lice, dužan je podnijeti zahtjev za prenos dozvole Regulatornoj komisiji, dok je stavom (4) istog člana propisano da je drugo pravno lice obavezno pribaviti dozvolu za rad ili saglasnost za prenos od Regulatorne komisije.

Članom 32. stav (5) Poslovnika o radu Regulatorne komisije za energiju u Federaciji Bosne i Hercegovine propisano je da se zaključkom odlučuje o pitanjima koja se tiču postupka (proceduralna pitanja), dok je članom 42. stav (2) istog Poslovnika o radu propisano da je postupak izdavanja dozvola za rad, odnosno prethodnih saglasnosti za izgradnju direktnog voda javan i vodi se u skladu sa propisanim i javnosti poznatim kriterijima na nediskriminirajući način.

Članom 41. stav (3) Pravilnika za izdavanje dozvola je propisano da se u slučaju prenosa dozvole za rad na drugo pravno lice, uz zahtjev za prenos dozvole za rad postojećeg imaooca dozvole, podnosi, kao sastavni dio, i zahtjev za izdavanje dozvole za rad novog/budućeg imaooca dozvole sa pratećom dokumentacijom koja se odnosi na novog

imaoca dozvole, kada FERK postupak prenosa dozvole za rad vodi na isti način kao i postupak izdavanja dozvole za rad, dok je stavom (4) istog člana propisano da je do okončanja postupka prenosa dozvole za rad, postojeći imalac dozvole obavezan nastaviti sa ispunjavanjem obaveza propisanih dozvolom za rad koja se prenosi. Članom 41. stav (5) istog pravilnika je propisano da prenosu dozvole prethodi prenos prava korištenja sredstava kojima se obavlja djelatnost po predmetnoj dozvoli na lice na koje se ista prenosi, odnosno prava vlasništva, o čemu se uz zahtjev za prenos prilaže odgovarajuća dokumentacija.

Članom 78. Pravilnika o javnim raspravama i rješavanju zahtjeva, sporova i žalbi propisano je da se na sva pitanja koja nisu obuhvaćena odredbama ovog pravilnika ili posebnim pravilima i propisima FERK-a, primjenjuju na odgovarajući način odredbe odnosnih zakona ako to priroda stvari dopušta i kada je to u skladu sa nadležnosti i ovlaštenjima FERK-a.

Dana 09.08.2017. godine FERK je od postojećeg imaoca dozvole „IVEX“ d.o.o. Usora primio Zahtjev za prenos dozvole za rad pod brojem 06-03-721/53/17, te 30.08.2017. godine pod brojem 06-03-721-01/53/17 i 01.09.2017. godine pod brojem 06-03-721-02/53/17 dopunu istog zahtjeva. U prilogu tog zahtjeva primljen je i Zahtjev za izdavanje dozvole za rad za proizvodnju električne energije podnijet od ENERGY TRADE d.o.o. Usora, kao pravnog lica na koje se želi izvršiti prenos dozvole, u proizvodnom objektu solarna fotonaponska elektrana „IVEX“ i solarna fotonaponska elektrana „IVEX 2“, za koji je FERK izdao „IVEX“ d.o.o. Usora Dozvolu za rad za proizvodnju električne energije broj 06-03-963/53/12 dana 26.07.2017. godine. Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za prenos dozvole za rad broj 06-03-721-03/53/17 od 07.09.2017. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK 07.09.2017. godine pod brojem 06-03-721-04/53/17, dopis primljen u FERK 20.09.2017. godine pod brojem 06-03-721-05/53/17, dopis primljen u FERK 03.10.2017. godine pod brojem 06-03-721-06/53/17, te dopis primljen u FERK 12.10.2017. godine pod brojem 06-03-721-07/53/17, kao i dopis primljen u FERK 18.10.2017. godine pod brojem 06-03-721-08/53/17, uz koje je dostavio tražene informacije i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtnu dozvole.

U Zahtjevu za prenos dozvole za rad broj 06-03-721/53/17 od 09.08.2017. godine, postojeći imalac dozvole „IVEX“ d.o.o. Usora, je kao razloge zbog kojih traži od FERK-a da se izvrši prenos Dozvole za rad za proizvodnju električne energije broj 06-03-963/53/12 koju mu je FERK izdao 26.07.2017. godine na ENERGY TRADE d.o.o. Usora, naveo potrebu da se odvoji elektroprivredna djelatnost na jedno pravno lice i time olakša evidentiranje i praćenje računovodstvenih i drugih parametara. Takođe, uz zahtjev, postojeći imalac dozvole „IVEX“ d.o.o. Usora je dostavio FERK-u i notarski obrađen Ugovor o kupoprodaji solarne fotonaponske elektrane zaključen 14.09.2017. godine u

Tešnju između „IVEX“ d.o.o. Usora i ENERGY TRADE d.o.o. Usora pod brojem OPU-IP: 899/2017.

Obzirom na okolnosti koje je postojeći imalac dozvole „IVEX“ d.o.o. Usora naveo kao razloge za prenos Dozvole za rad za proizvodnju električne energije na ENERGY TRADE d.o.o. Usora, te okolnosti da prenosu dozvole prethodi prenos prava korištenja sredstava kojima se obavlja djelatnost po predmetnoj dozvoli na lice na koje se ista prenosi, odnosno prava vlasništva, a koje su vidljive iz Ugovora o kupoprodaji, postupajući u skladu sa članom 41. Pravilnika za izdavanje dozvola, FERK je odlučio odobriti provođenje postupka prenosa ove dozvole. U postupku prenosa dozvole, koji se vodi na isti način kao i postupak izdavanja dozvole, FERK će utvrditi da li je ENERGY TRADE d.o.o. Usora sposoban zadovoljiti uslove predmetne dozvole za rad za proizvodnju električne energije u proizvodnom objektu solarna fotonaponska elektrana „IVEX“ i solarna fotonaponska elektrana „IVEX 2“. Međutim, imajući u vidu da je ENERGY TRADE d.o.o. Usora postojeći imalac dozvole, a u cilju efikasnosti i ekonomičnosti postupaka pred FERK-om, FERK će, postupajući u skladu sa članom 40. stav (2) Pravilnika za izdavanje dozvola, na vlastitu inicijativu izvršiti izmjene i dopune Dozvole za rad – licence za obavljanje elektroprivredne djelatnosti proizvodnja električne energije broj 06-03-608/46/13, koju je FERK izdao 30.09.2013. godine imao dozvole ENERGY TRADE d.o.o. Usora. Cilj ovakvog postupanja FERK-a će jednom dozvolom regulisati proizvodnu djelatnost jednog imaoča dozvole u svim objektima kojima raspolaže, što pridonosi pravnoj sigurnosti i zaštiti opšteg javnog interesa, ali cilj je i izvršiti ostale potrebne izmjene i dopune Dozvole za rad – licence za obavljanje elektroprivredne djelatnosti proizvodnja električne energije broj 06-03-608/46/13 od 30.09.2013. godine, budući da je u periodu nakon izdavanja te dozvole došlo do promjene podzakonskih akata i FERK-ovih pravila i propisa.

POUKA O PRAVNOM LIJEKU:

Protiv ovog zaključka nije dopuštena posebna žalba. Zaključak se može pobijati u upravnom sporu protiv rješenja o glavnoj stvari.

PREDSJEDNIK FERK-a
Jasmin Bešo

Dostaviti:

- „IVEX“ d.o.o. Usora
- ENERGY TRADE d.o.o. Usora
- Kancelariji sekretara FERK-a
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru zajedničkih poslova
- Sektoru za finansije
- oglasna tabla
- a/a